

皇清文穎續編

皇清文穎續編卷三十三

頌

臨雍講學頌

謹序

朱珪

皇帝奉

太上皇帝敕諭於嘉慶二年春二月仲丁

幸太學

釋菜於

至聖先師遂

臨辟雍開

講筵宣

御論大學之道在明明德在親民在止於至善易臨
之大象傳君子以教思无窮容保民无疆各一篇
所以崇學章教甚

盛典也

臣蒙

恩奉職在外久違

講席不獲與於園橋觀聽之列翹仰抃慕不能自

已竊惟大學本修身而明明德於天下

天子之學也知臨大君之宜

天子之教也愛敬盡於事親而德教加於百姓刑於

四海

天子之孝也

皇帝學古時敏朝夕孜孜

親承

太上皇帝之心傳身教

學莫大焉

教莫備焉

孝莫純焉

至誠大順條貫萬幾以爲

天保而申

壽釐是

德福之總也

臣

伏釋大學一書賅本末貫始終朱子

釋之曰明德爲本新民爲未知止爲始能得爲

終以經解經則曰修身爲本大畏民志此謂知
本又曰德者本也財者末也未有上好仁而下
不好義者也未有好義其事不終者也爲君爲
臣爲父爲子各止於至善是謂得止也又言得
衆則得國善則得天命忠信以得大道此四得
者與中庸所言四得必有於大德其義相通而
其要在知所先後然則修身之本莫先於孝矣
知止之始莫切於孝矣

太上皇帝有

大德而備四得

皇帝尊闡行知深思大學四得之本則學日緝熙於
光明矣其在詩曰離離在宮蕭蕭在朝不顯亦
臨無射亦保鄭康成箋曰宮謂辟雍宮也詩之
言臨保者與易之言臨保亦相發明也謹按易
澤上有地臨臨自復來而其進爲泰是陽長之
卦也以上臨下未言政而先言教思未言治而

先言容保教思則該乎政矣容保則該乎治矣
諸經之言臨者曰居敬而行簡以臨其民是坤
以簡能之義也曰聰明睿知足以有臨也是知
臨行中之義也曰予臨兆民奈何不敬是臨之
以莊之義也書曰皇極之敷言是訓是行是教
思之說也曰有容德乃大曰若保赤子是容保
之說也教民而保之則庶民保極矣能保惠於
庶民則天保定爾矣惟我

太上皇帝敬

天愛民萬年一日風雨露雷無非教也真所謂无窮也蠲復賑貸巨億億萬真所謂无疆也

功德邁乎堯舜而

耄期不倦於勤真所謂敦臨也

皇帝敬承後

志真所謂肅雍而臨保也

勲華心傳觀於一家姬孔道統密於

親炙超萬古所未有慶億年而無極合至德敏德孝
德以教國子者至矣善矣曷以加茲謹獻頌曰

大清受

命體

天化行洪惟

世祖

行義孝經

聖祖繼

志百卷集成四經三禮

作聖

述明

文武聖睿

太上皇帝百四十篇經義大備

牽期乾乾政

訓事

示

皇帝欽承聰聽哲視壽慶戊午仲春侍了大昕
釋菜辟雍

講經

穆穆明明壽耆老更濟濟多士園橋觀聽講義維何
大學綱領德本惟身厥修三省居高臨深六馭不騁
牖民保民惠迪思永石鼓在門石經在廡

善學維何

允文允武其雨其暘賑疊蠲普

善教維何民恃民怙

太上身教

皇帝惟孝信

天得

天淳明克肖

教民得民惇敘學校地容天保卑法崇效一得四得

如取如攜

天臨匪遠

臨民念茲芻蕘之誠

聖哲不遺

聖學

聖教孝惟孜孜

臨雍講學頌

謹序

吳省蘭

欽惟我

皇上受大寶之初元二月上丁卽承

敕旨釋奠於太學繼

德傳心道化翔洽

重華協于

帝越歲

申命以三年戊午仲春仲丁循

太上皇帝初視學之儀致祀於

至聖先師遂

御辟雍殿虞業旣戒鼓鏞以作

詔儒官集生徒而講學於是大學士臣蘇凌阿臣劉

塘臣繹書義祭酒臣法式善臣胡長齡臣繹經義以

仰稟

睿裁

皇上剖晰淵微迺

發德音宣

御論園橋門而觀聽者咸若發蒙溟然冰釋怡然理
順饜飫乎仁義道德之華而退自生民以來未
有斯盛也臣惟

天牖兆人

君師兼作羲軒頊嚳遞位乎天德開物成務以前民
用教之始也禮文王世子注引董仲舒說謂五
帝名太學爲成均考春秋繁露無此文世系遠

魏書缺有間靡得而詳矣尚書大傳又稱舜五
祀淳然興招樂於大鹿之野報事還歸二年談
然作大唐之歌其樂曰舟張辟雍鶴鶴相從八
風回回鳳凰喈喈歌者三年昭然乃知乎王世
明有不世之義招爲賓客雖爲主人蓋彼以雍
爲所奏之樂章而非以名學其說旣未見錄於
孔子則出伏勝鄭康成諸人耳食傳會爲多爾然
明人倫教以親義序別信實著於有虞氏之命

司徒而必推勞來匡直輔翼使自得之又從而
振德之者皆放勳之訓云爾允執其中四言貫
古今道法洽法之統遡授受之符契證先後之
揆一然而生丹陵生諸馮地不同也祖嶠極祖
橋牛族已別也元德升聞由於師錫歷試命位
猶讓弗嗣恤恤乎德與德孚道與道洽合以人
非屬以天是禪也不可云繼也是以上庠米廩
肇興於敷教之年而匪有達於光被之日也洪

惟我

皇上聰明

天亶毓德青宮徇濟敦敏玉粹金昭見知聞知皆得

自

省定清溫先意承志之際

太上皇帝聖衷默契馨聞

郊

廟旣符

初望以丙辰歲月正元日

授寶大廷晷曜昭融謳歌必路蓋傳天下若斯之盛也伊耆有姚相去不逕庭歟

皇上既膺

付託之重承

聖謨以御寰宇首以敬

天愛民爲先務

謂愛民之政不外教養初元仲春卽

啟經筵

御論樂只君子民之父母新民之事也元者善之長

亨者嘉之會明德之本也二年春仲

經筵

御論人道敏政地道敏樹新民之實也是彝是訓于

帝其訓明德之極也今

臨辟雍而發揮大學之三綱領臨卦之象辭教思无

窮容保民无疆前後一貫則自今至億萬萬年

皇上聖德日新以阜成兆民以止於至善者若日月
之升恒璣衡之旋斡始終無間可知也

上儀既舉

懋賞載頒溯

太上皇帝乙巳仲春

臨雍閱十有四年再逢

盛典鼓篋嚮學之士承流溯風爭自濯磨東西南北
無思不服前無邃古豐鎬京云爾哉抑臣聞之

古者受成於學出征執有罪還釋奠於學以訊
誠告今莠民干

國之紀粵有蛟虎之臣熊羆之士鋪敦秦蜀執其
羣醜夫準回兩金川擴遠跳梁

禡牙鞠旅次第俘誠告成太學

平定鴻文穹碑四建照耀海宇矧此么膺獻功獻囚
豈踰桑蔭哉循古國有慶會臣下皆得雍容揄
揚宣上德而盡忠孝頌聲之作宜在

今日臣擣昧懵學忝侍

禁廷日捧

雲漢之章

丹露濡牋盟薰伏誦竊以先覩爲榮幸雖

乾坤之容非矇瞽所能摹測祇竭鄙忱獻頌曰

於樂

辟雍太學之宗理大典崇惟此宅京厯金元明闕而

未營

聖堯建極復古是力作新奕奕璧流溶溶并養不窮
貫環垂虹曩歲乙巳

鸞旂莅止講學行禮辟明雍和涵泳

聖涯髦士攸宜

叶我

皇繼序敬承作所德規行矩契

聖道傳

經幄啟筵斯今三年

天子視學興禮和樂以覺後覺吉戊歲成仲春仲丁

大昕鼓徽

龍旂央央

鸞和鏘鏘曰諳

宮牆齊莊

睿容肅肅雍雍昭事有融釋幣陳俎升歌樂舞

飲福受胙

鴻儀旣彰迺

御上庠

袞龍虞章迺

御雍宮

講案有穹小大從風裔賢濟濟百辟卿士僣僣胥子
橋門四闕觀聽繹繹

德音是式

帝廣德心敷教儒林致遠鈞深衆拜瓊目
教思孔厚

天子萬壽

帝迴翠蹕循名責實

恩錫有秩冠服縑繆牋管墨侯賢書廣優吉事有祥
江漢之疆殫彼飛鶴執訊連連飲至于前

告羸

十全

屬車忝從悅服祇恭頌以奏公

臨雍講學頌

謹序

黃因璉

皇帝御極之三年春二月丁未

臨雍釋菜於

先聖先師禮也

臣

案戴記曰祀乎明堂而民知孝

食三老五更於太學以教諸侯之弟古聖王執

冲舍和用以鎔範庶類必使孝弟成治風興雲

蒸時則鼓箏鍾堂之士秩秩閭閻罔或越焉粵

自重華教胄肇建隆規夏校殷序宏風丕紹爰

逮姬籙辟靡以興鄭氏謂辟明靡和所以明和
天下也習人倫而修人紀蓋莫大乎是文王問
安視膳孝德內基於寢門崇化厲賢懿綱外布
於髦儁當時赤爵止戶蒼烏降庭於論鼓鐘茂
矣善矣秦漢遞嬗建學僅有武帝厥後車駕親
幸大學則自光武爲始東都文物冠越西京然
究之三雍成模有志未定至明帝永平二年八
年習射養老臨辟雍者再時則送迎三壽降至

尊以訓恭園橋門而觀聽者舉誦誦然洵中興
之盛軌已泊乎晉室以降成穆孝武徒事虛文
宋梁魏周或勤清蹕要皆未能同文共規俾洪
化暢乎羣邦而風流萬宇也唐興高祖武德七
年親臨釋菜永泰貞元相踵倣行環林璧水之
地鴻猷槩未聞焉宋則建隆端拱咸平天聖紹
興淳熙六舉斯典其時惇師老德粲乎隱隱若
衆星之環聚於奎濂洛關閩超軼前古而孝宗

以孝治天下有匪漢唐所能方軌齊轍者降自
元明聖風罕著我

皇清之握乾符而闡坤珍也燦爛炳煥受

天命以照臨天下燮定東南疆理四北則

皇圖廓焉三光宣精五緯順序則

洪庥來焉行捨其華言去其辯則

聖道恢焉固已總八方而爲極胥致之醇醲矣然而

津梁萬物厥道有緣太學者乃教化宮也哲人

於是乎訓世時彥於是乎舒翹河源海濬幽崖
朱垠之民於是乎觀禮開悟多鸚壽靡儋耳之
裔於是乎式化

列聖相承尤兢兢加之意焉誠以宏宇黎氓而選造
之者仁聖之陶鑄也肇修倫紀而崇起之者太
平之淵源也敢儒門而疏璧流皆將沐浴福應
俾生其共固匪僅握素橫卷執俎豆習禮容以
爲觀美云爾也恭惟我

皇朝文獻通考卷一百一十三
皇帝陛下化隆九有功溢八埏仰承

睿謨丕迪獎教以天下

養而

孝道光

作天下師而

孝治洽蓋合大圖所幃大矩所載闔陽圓舒所昱瀛
壖之廣無有內外罔弗陸警水慄祇服恐後又

況鬢宇冠帶之倫近瞻

德教哉宜其熠然已奮矣然而

懋修之下淵乎其若有思焉蓋

教不親肄則不尊

道不加崇則不貴乃者

頌下明詔亦既布告中外增廣甲科廉孝矣席門橫
舍之額又從而恢拓之

淳誨校官禮羅必得染藍琢玉時無遺賢於是溥海

遠邇益知

聖天子之將有事乎

上儀而俾羣黎咸曉也乃涓良吉

進有司而命之曰藻芹以時棫樸咸在潔爾庭宇修
爾几筵其將

親蒞於學屆期禮官備

法駕鹵簿遵

皇衢而設之乘石載洗華鐘交鏗延嘉抽萌鈞鈐朗

曜

連十有二旂

警蹕乃出期門依飛羽林虎賁之衆脫劍導引鳥集
鱗萃斯時也陽春布澤細豫爲紛莘莘焉習習
焉夾廣塗而觀

光者蓋以數萬計

皇帝乃

降玉步

臨學庭咸英競響鏞鼓導和拜

孔揖顏

躬行進爵

召學官諸生以下胥雲會乎橫塾

崇論指迷炳炳烺烺味義農之與詞闢道義之淵海

石經石鼓飛文揚光洋洋乎

聖澤周流澤宮矣禮成

大駕還內

和鸞玲瓏慶雲若煙非煙者郁郁不散於是黃髮

鳩杖青領鵝袍之士靡不樹領而言曰皇矣

大孝之業乃今知

聖人尊師重道如此其勤至也

治象昭乎唐虞

文德隆乎豐鎬彼夫漢明宋孝之紛紜匹如撮壤以

較崇山道涓而絜宗海鳥足當斯萬一哉臣官

在翰林橐臺歌詠職也恭逢

文治爰稽首作序而系以頌曰

於顯我

皇揚緝熙兮

翠旗莅學光琴離兮圓海回泉春流漪兮杏華在壇

曜

祥曦兮譽髦浴德應

昌期兮懷經挾策來祁祁兮

睿圖炳朗宣

文思兮永集

符瑞迂

鴻釐兮

戡定川陝楚頌

謹序

阮元

皇上御極之七年冬十有二月癸丑經畧

臣

額勒登

保參贊

臣

德楞泰等以川陝楚賊氛淨盡戡定

大功飛章上

聞喜色布於山川歡心騰於中外

廟廷交慶四表漸聲

臣

元時奉

命巡撫浙江省逃聽捷奏恭讀

誥辭誠懽誠抃稽首頓首而稱頌曰此我

皇上之至仁也此我

皇上之大孝也此我

皇上之神武也此我

皇上之大文也惟我

大清

列祖

列宗世峻其德以配

天受祐洎我

高宗純皇帝聖神威武邁軼萬禩闢地二萬餘里迨
日出入罔不共命况幅員之內

列聖風之雨之黍稷纘絮若手授之俾煦而腴長其

子孫

皇上德巍巍聽卑處乎九重之上偏隅一夫有啼號者
聖人憂形於色恩溢於言起枯援溺登諸衽席而後
已疇敢不順迷惑其性是自絕於日月也雷動
而霜刈之乃煩六師致茲戡定蓋

國家恩德及海內外休養生息百五十餘年矣乾隆五十五年戶部奏天下郡縣戶口畧

仁皇帝朝增二十倍畝晦猶是也而生齒衣食日以蕃壽百歲者不知兵豐熾博大此我

大清之至仁洽於億兆民爲曠古所未有也惟其然而非種孽芽於其間邪說誘扇立教相號召白蓮染淤閒色樹幟厯雜羣吠顯拒捕討乘征苗之師弗暇抵隙而起利誘威脅蟻聚烏合巴

蜀陝楚之游民羣甘禍而從之

皇上濶赤子之盜兵不得已而加以芟夷俾致平定
禍弗延於善良所以保數省之民免鋒鏑而安
家室者不可以數計故

皇上之功卽

皇上之德卽

皇上之至仁也我

高宗純皇帝歸政

訓政耄勤不倦命將調卒宵旰未寧二年剡剔茲事

未竟

皇上大孝以天下養謂一隅不寧厯我

聖慮侍食問安之暇

堯傲

舜咨孝

慈兼著

親政伊始首授帥印以專其責剋日滅賊衆方畢集

其時羣疑孔交

皇心自一日奉

天討稟

親訓保民命克敬克畏惟斷乃成于是心與

天謀廟算獨勝下令如水不疑不貳乃罔不臧大愆
次第卽戮羽翦根拔克清克寧以成厥功焉湖
自癸巳年

高宗純皇帝爲天下得人薦

御名於

天至誠所昭願符授受

皇上體付託之重終三年禮與守禮之士同必誠必
至不徇羣臣之請捷書之入必歸本于

昊天之貺

皇考之眷蓋事事惟

天與

祖與

親之式馮端居淵默陟降在庭秋獮挽弧式循

家法自壬戌元旦聞捷凱音駢至而

大駕莅木蘭卽於

駐蹕之頃聞獲醜之報然則帝王之道莫大於孝善
繼善述太和治平其效若此故曰此

皇之上大孝也朝政者軍令之本也未有朝政未正
而軍令克明者也我

皇上治躬省政允釐百工握機運謀以親武事于是

將帥進退有所稟承山川之夷險道路之通塞
民情之安危賊勢之強弱兵機之得失芻粟之
飛輓莫不

親決而先籌之瞭然秩然如指諸掌而又矢之以勤
成之以謀馭之以中和持之以宥密嚴寒盛暑
丹筆批答無閒晷刻避敵者失防者殺降者冒功者
或削其爵或置之法得賊首者重其賞捷至第
其功晉其階披險獲醜被創者雖一卒之勞必

錄於胡迄于鏐牌佩物之賜以萬計歸親老者
贈陣亡者死事之卹逮其子孫昭忠之祀徧乎
郡縣軍中驩聲不諱而合乃并其力靡戰不克
破山搜林殆無遺孽擒渠數百撫降數萬蓋至
萬方送喜而

聖躬實勞戒亂致平不其禕與乃猶

謙抑自持不張大功謂賊乃吾內地赤子耳曷足誇
露布用紅旗命師臣以黃摺入告然則不遑暇

逸不自滿假豈如漢唐以來朝政未正而外矜
戰功者哉止戈爲武而具七德所以爲

皇上之神武也且夫姦宄之衆皆食毛踐土之民奪
其邪心而游于大化可坐而理也邪民之興守
令不知昌明大經大法開惑震聳蠢動者蠕蠕
而肆以漸蔓滋火燎乃不可戢

皇上特製邪教說仁育義正以肅清萬古之人心下
寬大之

詔予賊以自新之階導其悔罪教諭臣工以

天人感召之誠且速以震動朝野之視聽加賑免賦俾利其用而厚其生每一

諭言出天下士與民賢與愚靡不心折首肯觀感悅服是以正道日明經常炳然從善者樂且益堅迷塗歧路聞木鐸而知返賊黨離散部曲知方庠序之士鋤耨之民皆爲勁旅修懿德于干羽之階布倬章于雲漢之表皇皇卓哉用能考定

武功竟

高宗純皇帝未竟之緒巍巍成功煥乎有文伊古以
來未之有也恭讀

純皇帝御製創業守成難易說爲君難跋深有鑒於
願

天命畏民岩及茲更數十年我

皇_上繼重熙累洽之後戶口又日以增衣食又日以

蕃而畝晦猶是也

臣竊見

皇上守成爲君有更難者今

皇上履豐持盈保世滋大以仁厚爲本嚴義利之辨
單心繼序以任仔肩安益求安至於萬年書曰
欽明文思安安允恭克讓又曰帝德廣運乃聖
乃神乃武乃文此

皇上之大文也臣元昔備員翰院簪筆

內廷親仰

至尊憂國之容茲聞大軍奏凱之盛臣雖守封疆于

外不敢以無文自秘敬撰

大功勘定川陝楚頌十章以揚

聖天子文武合撰之德且推本於

仁孝之道以冀穆如之風其詞曰

上帝眷佑積德累仁

列祖

高宗受以明新

皇帝孝敬萬邦尊親用續武功以安兆民

一章

溥海內外皆

帝所庇

列聖休養百五十歲地腴齒肥萌蘖不類藐茲亂民
乃起而肆

二章

皇者其武平于一怒憂我

皇考汝罪不恕茲事在予

天

祖所付命將遣師肅清王路

二章

帝有恩言下令六師雷霆之震法天無私憫彼冥頑
安毒不知怙惡無赦歸斯受之 四章

恩言初降旌旗變色孰敢受恩臨陣避賊孰疏其防
誅不待刻乃合其力乃共其職 五章

恩言初降六師歡然撫汝瘡痍汝顛連獎汝之勞
大賚萬千恤汝之亡恩重禮全 六章

滔滔六師式秉

廟算米聚粟斜筆籌江漢羣渠授首成功定亂淵駭

既清曷匿曷竄

七章

倬彼雲漢爲章于天

帝有大文垂示萬年不順必誅順者賞焉民心皆正

就日戴天

八章

維

清緝熙繼

志成功三省乂安成年之冬弗馳露布

聖懷益冲求寧善後天下大同

九章

天下大同維

帝之力保我赤子免於戕賊於萬斯年建中立極

小

臣作頌以歌

聖德十章

幸翰林院頌

謹序

董誥

臣聞鸞霄倬漢玉隆輝壁府之躔黿掖規瀛金
契祕崑城之爻輝澄景曜麗華蓋於丹垣秩峻
穹階隸蓬巒於紫箬匯文瀾而洽鏡太史名河
闡馨業以通苞真靈證位陞華旣俊齊驅駉驥
之鑣台望培英特闢麒麟之署粵白頡書披冊
肇雲紀以名官泉夫姬籙承禧扈瑤華而載筆
外臺內閣史成尉發仙華少府中書儒闈借躋

禁職迫乾封之署號特置詞臣粵麗正之掄員
專崇翰席五題兼試夢徵抽草之祥三館區分
光炳然藜之耀司文設局翹瞻兩乙賓門懷慶
名坊屢拜三辰賜酒烟涵宮吹玳筵廣李至之
詩寵賁宸毫鈿軸續蘇耆之志流傳往牒每豔
芳儀遭際

熙朝哀增

懿典欽惟

皇帝陛下德符日進聖矩時中大凝崇稽古之謨上
理際光天之運

蘿圖席瑞

塵勅

命以甄熙

蘭檢延徽仰

觀文而迪化誦歌薰於

御什壻籥含和泥垂露於

王清江先生詩集 卷三
三
宸毫銀繩鏤澤

經帷揆訓頒宣

寶誨於琅函

漪殿開棋載濟文波於壁水真額廣翹材之榜月府
升名

仙源開積慶之圖星潯籟俊翔風入律管奏祥噦澗
露霏霄疇盈頑磁況乃

珠鈐在握八年承密勿之機

丹筆塵壽三省沐

赫斯之祐狼弧韜閣恰逢癸水銷兵驚堦息烽盡挽
天河洗甲屢豐綬萬惟

聖人備七德之全開泰函三正

文治極一時之盛

眷儒黌於槐市

特詔程工

錫禮宴於芸臺前期考室甄官効職匠石掄材焚櫟

接而螭盤繡柄攢而鵠峙桐軒竹室都名著作
之庭玉碣玫瑰階特闢文章之府啟青達於東節
竚迓

鑿興

賁系綽於西垣先

頒禁扁螺書炳耀恍疑白鳳之隨毫犀管摛英遠邁
紅羅之賜字星旌雲罕肅龔

辰衡戟戶鈴軒榮承

丙御

契淵源於

孔教

嚴裡儼聽金絲恆瞻就於

堯階企覲借依雲日煜燦朝天之燭

黼辰崇華雍容入閤之圖紋班班狃悃彤曦罔朗騰隆

照於重霄丹陛鏘洋暢元音於五太嘉生導豫

來儀則翔鳳爲林鈞籟敦和按節則華鯨植籟

琅玕璧磬鞞斐三終鶯管鸞笙紛葩九奏際天
地同和之會文盛京華譜君臣相說之詩雲濃
延閣始則

恩均茗椀肇敦葦以流歡繼焉

惠洽廊餐例傳柑而賁渥湯官典膳麟脯行厨食帳
加饅駝峯出釜記紅綾之舊事餅說金花飶紫
府之珍腴羹逾玉糝舜壺湯鼎夏屋均禧嶽豆
溟盃春臺佈愷稱兕觥而上

壽膝席據枕答魚藻以

宣慈

手卮命醕

覃熙露酌新增彙飶於虞書注籍星臺重續卷阿於
周雅敬溯乾隆九載

重熙暨紹

鴻儀洪惟甲子三周

純嘏蕃昌鳳紀

發咏軼黼筵之樂咏澤需雲遂歌賡曲宴之章臚愉
晉畫循稽舊典溯燕國以裁詩分逮清班倣柏

梁而排韻

仙毫露潤遙燭榮光

文思風飛重吟疊什

輦中攬筆超紫庭黃竹之章天下同文誦翠蘊丹甬
之帙

恩華惠洽

普駢資於氷銜

家法繩承述

顯謨於寶閣迪

前光而

錫羨恪奉

天章示

上矩以開祺

宣頒御集從此謨賜稟誨

元模廣範於經畚於焉藝圃翹心淳則胥循夫詩史
有馮有翼近文章以勵廉隅是訓是行先器識
而後才藝隆密篤寅恭之悻增輝翰苑羣書邃

清酬

申錫之庥勉企儒林舊德臣 榦庸陋質佔畢微材自

濫吹於詞曹洵聯華於禁職

九重蓮燭竊欣俯陛以依

光再世花磚彌凜循牆而學步竹林家集虛籥繁露

之書子墨卿階殊愧凌雲之賦際

瓊閭之啟淑黍谷舒翹眇

香案以含怡花墩列侍尋巢玉署重逢

景會而鳧趨簪筆

金鑾敬矢庸音而雀躍頌曰

紫垣敦化丹宙傳徽澄華玉鏡齊政璿璣

禎符紹典

寶錄翔機

天臨日煦雲潤星輝

一音

蕙圃仙卿槐廳館職飛白頒題珥彤輪直典秘松籤
庭深桂闕古號清華今資鎔式

一章

乃承

欽矚乃

詔鳩工飛軒貯月傑閣迴風鱗差氷殺花鏤珠權文
昌天府迴麗高穹

三章

綺旭躔奎芬辰建亥虎旅趨風鴻臚展案曲蓋承雲

層霄惠彩介景槐衢紹祥

荃宰

四章

雲階輻輳虹陞星羅旣齊旣稷

來遊來歌

上儀畫會鴻奏天和揚音玉律紀盛金坡

五章

冊府峩峩儒行修闡增貯

琅函

先題寶額晨露諧音卿雲霏澤逗韻聯珠雕章鏤壁

六章

崇禧瑋灼景貺豐蕃既榮庭軌又酌衢尊

龍光加錫駕列均

恩自

天子所誦

聖人言 七章

踐修厥猷譽髦斯士禮樂之容

朝廷之美喜哉起哉富矣盛矣

天地同流日星爲紀

八等

皇清文頴續編

卷三

頴

空

幸翰林院頌

謹序

英和

臣聞日月星辰之光耀天之文也山川草木之
行列地之文也易曰觀乎人文以化成天下當
重熙累洽之時三光宣精百度順軌其精明純
粹之實旁薄充塞於內是以著見於外者自條
理分明光輝發越而不可掩蓋政事禮樂道德
文章胥一以貫之矣

國家協氣旁流淳風四播

皇上躬濬哲之姿履龐鴻之運

御極以來凡

敬

天

法

祖

勤政愛民諸大端於

高宗純皇帝之實心實政合契同符

聖治既昭誕敷

文德已未選庶吉士七十三人辛酉七十九人壬戌
至九十四人宗室之秀異者亦在選中

作育之盛爲從來史冊所未有九年甲子春二月朔
三日

親幸翰林院署距乾隆甲子

高宗純皇帝臨幸之期已閱六十年

承烈本於

顯謨繼

志卽以述

事宴以溥

慈惠樂以導休和分韻以抒颺拜之忱聯詠以誌慶

歌之盛

御集秘籍之頒玉硯文綺名牋之

賚便蕃優渥普汜無私況

聖製詩文全集及石刻十三經輝映冊府昭章雲漢

尤爲

嘉惠藝林之茂典不獨入座諸詞

臣

沐浴詠歌光崇

聖烈凡公孤卿尹暨中外百執事下逮鄉閭里巷敦

詩說禮之儒靡不傾耳

仁風以慕以奮臣年才三十餘通籍甫屆六科幸侍

禁庭飫聞

至教昔

臣

父德保

臣

伯父觀保於乾隆九年均與分

韻聯句之列今

臣

猥以菲材備員卿貳兼掌院

事恭值

上儀載舉

天日照臨

御座捧觴

帝暉咫尺冠西園翰墨之班祝南山臺萊之

壽前期復荷

殊恩加官保銜

賜一品服所以寵異之者至矣榮幸感悚匪言能喻

抑臣伏念蘭臺石室典籍之府承明金馬禁林
之庭自漢以來已稱榮選置師儒以董率之隆
規制以獎掖之上之所以儲才也本經史以植
其基端矩繩以範其志下之所以勵品也上以
儲才厚其下下以勵品答其上則詩書絃誦之
英可備股肱耳目之寄進枚馬班揚之博雅以
期房杜富韓之經綸飾禮樂於政事闡道德爲
文章由此其選也恭讀

皇上賜額一日天祿儲才一日清華勵品與

高宗純皇帝稽古論思集賢清秘之

賜

義畫

堯文後先同揆蓋優崇之意易勉之詞自

帝訓敷之又以

聖藻發之

臣仰承

兩朝之誨育俯慶一家之遭逢竊願飭躬砥行爲同

館諸臣倡不揣固陋美

盛德之形容附於敷奏以言之義因以通乎政事禮
樂道德文章一以貫之之旨謹拜手稽首而獻

頌曰

維

清緝熙天澄地寧烝哉

列聖治定功成

耿光大烈繼繼繩繩

文思格被曰惟德馨九圍九有八埏八紘延頸企踵

同我太平

一章

維我

高宗榮鏡宇宙丕冒海隅出日躋之仁壽

典學崇文

天章日富

光賁玉堂禮諧樂奏典故石渠英華壁宿

奎畫璇題德音是茂

一章

我

皇纘

緒繼序思不忘大鈞默運拊本引綱

武功保定文治恢張游意經藝

聖謨洋洋迺式

成憲迺由

舊章九年甲子繼照重光

三章

仲春令日瀛洲瑞開

六飛莅止日月昭回

道契尼山胙蠻徘徊天潢列席卿尹恭陪嘉宴具舉

匪頒瓊瑰龔軒鼓舞炳哉麟哉

四章

兩世登瀛遭逢

堯

舜臣齒方壯榮叨逾分瞻就

皇儀對揚景運敬引仙班金卮肅進祝

萬壽無疆舉頭

天近近

天子之光於

帝其訓 五章

帝曰儲才惟剛柔正直

帝曰勵品惟仁義道德根柢六經敷文華國以引以

翼繫汝和之職 臣 和稽首承宣

帝勅日月經天高懸璇極 六章

東壁西園雅音重續

聲之以金

振之以玉遊世有八人曰工異曲分藻揚蕤欣邀

宸矚西京柏梁

帝歌首牘二百有五人呈聯雲屬

七章

邇英麗正崇政集賢翰林故事規式徒沿我

皇崇實造化陶甄聲律身度如淵如天大文稽古

聖

聖相傳盛哉乎斯世惟曰欲至於萬年

八章